



I TRAIL CONCELLO DE O PINO

Domingo 14 de xuño de 2015

Regulamento

1. O **Concello de O Pino** organiza o **domingo 14 de xuño** o **I Trail do Concello de O Pino** paralelamente a **IV RUTA BTT**, unha proba a pé que transcorrerá por camiños forestais, pistas e monte do contorno do Concello de O Pino de 23 km de percorrido (distancia aproximada) e de dificultade técnica/física media cuxa saída terá lugar ás 10:30 horas da Rúa Nova ubicada na localidade de Arca-Pedrouzo (a 3 km do aeroporto de Santiago N-547). O percorrido e o track do Trail será publicado con antelación ó mesmo na web www.concellodeopino.com e na web www.emesports.es.
2. A entrega de dorsais realizarase no Centro Sociocultural Luis Seoane a partir das 09:15 horas do domingo 14 de xuño de 2015. A saída da proba darase ás 10:30 horas da rúa Nova (non será no punto de SAIDA da BTT) e a meta do trail estará ubicada diante do centro escolar CPI Camiño de Santiago (no mesmo punto de meta da ruta BTT).
3. Nesta proba popular poderán participar todos aqueles deportistas con 18 anos cumpridos ou os menores de 16 e 17 anos con autorización paterna/materna que acepten e cumpran as condicións regulamentarias da proba e que se inscriban no xeito e prazo precisos. Dita autorización poderán solicitala no correo deportes@concellodeopino.com.
4. Categorias de participación e **PREMIOS**:

CATEGORIA	ANOS	PREMIOS
Masculina absoluta	> 18 ANOS	3 primeiros clasificados
Feminina absoluta	> 18 ANOS	3 primeiras clasificadas
Masculina veterano	35 ANOS e >	3 primeiros clasificados
Feminina veterana	35 ANOS e >	3 primeiras clasificadas
Local Masculino	18 anos e >	3 primeiros clasificados
Local Femenino	18 anos e >	3 primeiras clasificadas

PREMIOS NON ACUMULATIVOS AGÁS OS LOCAIS Todos os menores de 16 ou 17 anos con autorización paterna/materna entrarán na categoría absoluta masculina ou feminina a todos os efectos

5. As inscricións online poderán realizalas a través da web www.emesports.es. Presenciamente poderán realizar as súas inscricións no **Concello de O Pino** sito na localidade de Arca-Pedrouzo, e nos establecementos **Motos Carballeiro** (Basquiños Nº 50, Santiago), **Bicicletas Oliveira** (Sánchez Freire Nº 83, Santiago), **Cafe Bar Caminante** (San Lázaro, Santiago) e **O Rey Bicis** (Avda da Mahía, 46, Bertamiráns). O prezo de inscrición será de **5 €**. O prazo de inscrición rematará o **mércoles 10 de xuño ás 00:00 horas**. **NON SE ADMITIRAN BAIXO NINGUN CONCEPTO INSCRICIONS FORA DO PRAZO ESTABLECIDO NIN O DIA DA PROBA**. Calqueira dúbida ou problema relacionado co proceso de inscrición poderán dirixirse os teléfonos **627 366 134** e **981 511 002**.
6. Os atletas percibirán un dorsal que se colocará na parte anterior do corpo (zona próxima ao peito). Non terán que devolvelo unha vez conclúa a proba. Tamén percibirán un chip que terán que colocar na zapatilla e que terán que devolver unha vez conclúa a proba. Todo atleta que entre na meta sen algún destes elementos será automaticamente desqualificado. Queda **totalmente prohibido** participar no Trail sen levar o dorsal reglamentario e sen estar inscrito na mesma.

7. A organización establecerá determinados puntos de control polo percorrido. Os atletas que se salten ditos puntos ou atallen serán descualificados a criterio da organización.
8. As inscricións para participar no Trail son persoais e intransferibles. Por iso, cada corredor deberá levar visible o dorsal asignado pola organización, quedando prohibida a cesión do mesmo a outro participante estea ou non inscrito na proba. En calquera dos dous supostos, a Organización non se fará responsable dos danos propios ou alleos que se pudieran producir e se reserva o dereito a emprender accións legais.
9. A participación na proba incluírá avituallamento líquido e sólido, tanto no punto intermedio do circuito, como na zona de meta, seguro de RC e de accidentes deportivos, servizo de duchas e vestiarios no polideportivo municipal e no campo de fútbol de Reboredo e agasallo cortesía da organización.
10. O percorrido do Trail transcorrerá na súa maior parte por camiños rurais e forestais do Concello de O Pino, existindo cruces con tramos de estradas que poidan estar abertos ao tráfico para outros usuarios polo que se deberá extremar a precaución por parte dos participantes. A proba farase conxuntamente a Ruta BTT do Concello, co cal poderá haber tramos do circuito no cal convivan ciclistas e atletas.
11. Todos os participantes deben respectar o entorno por onde transcorre a proba, quedando terminantemente prohibido tirar lixo en todo o percorrido a excepción dos contenedores situados nos puntos de avituallamento. Non acatar esta norma suporá a inmediata expulsión da proba.
12. A organización non se fará responsable dos accidentes, nos que puidera ser causa a negligencia dos participantes, así como os danos que estes puideran ocasionar durante a realización da proba. Entendese que os participantes inscritos asumen e coñecen os riscos do **Trail**.
13. A organización resérvase o dereito a modificar a presente normativa, así como a modificación do percorrido, quilometraxe e data da proba.
14. Haberá servizo de ambulancia, persoal de voluntariado e médico colocado ó longo do percorrido. Un vehículo abrirá en todo momento o Trail.
15. O feito de inscribirse na proba suporá a TOTAL aceptación das bases que conforman este regulamento. A aceptación deste reglamento implica que cada participante autoriza a organización do Trail á grabación total ou parcial da súa participación, da o seu consentimento para que poida empregar a súa imaxe para a promoción ou difusión da proba en todas as súas formas (radio, prensa, video, foto, DVD, internet, carteles, medios de comunicación, etc.) e cede todos os dereitos relativos a súa explotación comercial e publicitaria que consideren oportuno executar, sen dereito pola súa parte a recibir compensación económica algunha.

A ENTREGA DE PREMIOS REALIZARASE AO CONCLUIR O TRAIL NA ZONA DE META